

UGOVOR **o nabavci usluge**

zaključen između:

1. **Agencije za zaštitu ličnih podataka u Bosni i Hercegovini**, Dubrovačka broj 6, Sarajevo, koju zastupa direktor dr. Dragoljub Reljić (u daljem tekstu: Ugovorni organ), ID broj: 4201361110005 sa jedne strane, i
2. **SoftNET d.o.o. Sarajevo**, ulica Fra Anđela Zvizdovića broj 1, Sarajevo, kojeg zastupa prokurista, Selma Repčić (u daljem tekstu Dobavljač), ID broj: 4201051600002.

Član 1.

Predmet ovog Ugovora je nabavka usluge stalnog linka između prostorija Ugovornog organa (Dubrovačka broj 6, Sarajevo) i prostorija Generalnog sekretarijata Vijeća ministara Bosne i Hercegovine (Trg Bosne i Hercegovine broj 1, Sarajevo) za potrebe Ugovornog organa, a uz poštivanje svih normi kvantiteta i kvaliteta usluge.

Na osnovu provedenog postupka nabavke usluge putem direktnog sporazuma Ugovorni organ je, Odlukom o izboru najpovoljnijeg ponuđača broj: UP1 08-16-19-23-7/26 od 19.08.2026. godine, ocijenio ponudu Dobavljača broj: IP_2026_097 od 13.08.2026. godine najpovoljnijom.

Član 2.

Ugovorne strane su se sporazumjele da će, u periodu važenja ovog Ugovora, Dobavljač izvršiti uslugu iz člana 1. ovog Ugovora u skladu sa Obrascem za cijenu ponude koji čini sastavni dio ovog Ugovora.

Član 3.

Vrijednost ovog Ugovora iznosi 249,00 KM bez PDV-a mjesečno, odnosno 2,988,00 KM bez PDV-a na godišnjem nivou i zaključuje se na period od 12 mjeseci, odnosno od 01.09.2026. godine do 31.08.2027. godine.

Član 4.

Dobavljač se obavezuje da će predmetnu nabavku izvršiti u skladu sa zahtjevom Ugovornog organa i da će odmah postupiti po eventualnim primjedbama Ugovornog organa, u pogledu nedostataka na ime kvaliteta izvršene nabavke.

U slučaju kašnjenja u izvršenju usluge do kojeg je došlo krivicom Dobavljača, isti će platiti ugovornu kaznu u skladu sa Zakonom o obligacionim odnosima u iznosu od 0,03 % vrijednosti usluge za svaki dan kašnjenja do urednog ispunjenja, s tim da ukupan iznos ugovorene kazne ne može preći 10% od ukupno ugovorene vrijednosti robe koja je predmet narudžbe.

Dobavljač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Ugovornog organa.

Ugovorni organ neće naplatiti ugovorenu kaznu ukoliko do kašnjenja dođe usljed više sile.

Član 5.

U slučaju neispunjenja obaveza iz člana 1. ovog Ugovora, Ugovorni organ zadržava pravo jednostranog raskida ovog Ugovora, bez saglasnosti Dobavljača i bez posljedica za Ugovorni organ.

Član 6.

Ugovorni organ se obavezuje da će plaćanje vršiti u skladu sa trezorskim sistemom, žiralno u roku od 30 dana od dana ispostavljanja mjesečne fakture o izvršenoj usluzi.

Član 7.

Sve eventualne sporove nastale pri realizaciji ovog Ugovora, ugovorne strane će rješavati sporazumnim putem, u protivnom, ugovara se nadležnost Općinskog suda u Sarajevu.

Svaka od ugovornih strana može otkazati ovaj Ugovor pismenim putem, iz svih razloga propisanih Zakonom o obligacionim odnosima, sa otkaznim rokom od 30 dana od dana slanja pismenog obavještenja.

Član 8.

Na pitanja koja nisu regulisana ovim Ugovorom primjenjivat će se odredbe Zakona o obligacionim odnosima.

Član 9.

Ovaj Ugovor stupa na snagu danom potpisivanja od strane obje Ugovorne strane.


Član 10.

Ovaj Ugovor je sačinjen u 5 (pet) istovjetnih primjeraka, od kojih Ugovorni organ zadržava 3 (tri) primjerka, a Dobavljač 2 (dva) primjerka.

DOBAVLJAČ

Prokurista


Selma Repčić



UGOVORNI ORGAN

Direktor

dr. Dragoljub Reljić



Broj: UU-2026/046

Datum: 27-08-2026

Broj: UP1 08-16-19-23-9/26

Datum: 26.08.2026. godine